

Na osnovu članka 16. stavak 4. Zakona o Vladi Zeničko-dobojskog kantona-Pročišćeni tekst („Službene novine Zeničko-dobojskog kantona“, broj: 7/10) na prijedlog Ministarstva za boračka pitanja, Vlada Zeničko-dobojskog kantona, na 49. sjednici, održanoj dana 29.03.2016. godine, d o n o s i

ZAKLJUČAK

I.

Prihvata se Informacija o realizaciji Programa poticaja zapošljavanja pripadnika branilačke populacije vezanih za poljoprivrednu proizvodnju - uzgoj malina u 2015. godini, Ministarstva za boračka pitanja.

II.

Informacija iz točke I ovog čini sastavni dio ovog Zaključka.

III.

Zaključak stupa na snagu danom donošenja.

Broj: 02-_____/16.
Datum, 29.03.2016. godine
Zenica

**PREMIJER
PO OVLAŠTENJU**

Himzo Smajić

DOSTAVLJENO:
1x Ministarstvo za boračka pitanja,
1x a/a.

Bosna i Hercegovina

Federacija Bosne i Hercegovine

Zeničko-dobojski kanton

MINISTARSTVO ZA BORAČKA PITANJA

INFORMACIJA

**O REALIZACIJI PROGRAMA POTICAJA ZAPOSŁJAVANJA PRIPADNIKA
BRANILAČKE POPULACIJE VEZANIH ZA POLJOPRIVREDNU PROIZVODNJU-
UZGOJ MALINA U 2015 GODINI.**

Zenica, ožujak/mart, 2016.godine.

UVOD

Člankom 3. stavak o) Programa utroška sredstava Proračuna Zeničko-dobojskog Kantona za 2015. godinu planiranih na razdjelu Ministarstva za boračka pitanja usvojenim Zaključkom Vlade ZDK broj 02-14-10383/15 od 05.05.2015.godine propisano je kako će Program poticaja zapošljavanja pripadnika braniteljske populacije Zeničko-dobojskog kantona donijeti Vlada Zeničko-dobojskog kantona, na prijedlog Ministarstva za boračka pitanja. (u daljem tekstu Ministarstvo).

Vlada Zeničko-dobojskog kantona je na 15. sjednici održanoj 25.06.2015. godine donijela Zaključak broj: 02-14-13626/15, kojim je usvojen „Program realizacije poticajnih mjera zapošljavanja pripadnika braniteljske populacije Ministarstva za boračka pitanja Zeničko-dobojskog kantona“. (u daljem tekstu Program).

Planirani cilj ovog Programa je bilo davanje mogućnosti pripadnicima braniteljske populacije vlastitim radom osigurati sredstva za egzistenciju, što predstavlja temelj za normalan život, kao i njihovo aktivnije uključivanje u društveni život lokalnih zajednica.

REALIZACIJA PROGRAMA

Financijska sredstva za realizaciju ovog Programa su bila planirana u minimalnom iznosu od 300.000,00 KM.

Odlukom Ministarstva financija o prestrukturiranju rashoda broj: 07/03-02-14-15004-2/15 od 15.07.2015.godine, a na prijedlog ovoga Ministarstva; te Izmjenama Proračuna Zeničko-dobojskog kantona za 2015.godinu broj: 01-14-22569/15 od 23.12.2015.godine određen je konačni raspored sredstava za ovu namjenu.

Kategorije planirane ovim programom bile su nezaposleni:

- Ratni vojni invalidi;
- Demobilizirani branitelji, koji su u Oružanim snagama FBiH proveli najmanje 24 mjeseca u periodu od 06.04.1992. do 23.12.1995. godine;
- Djeca poginulih branitelja do 35 godina života, djeca umrlih RVI i djeca umrlih nositelja najvećih ratnih priznanja, do navršenih 30 godina života;
- Djeca umrlih demobiliziranih branitelja koji su Oružanim snagama FBiH proveli najmanje 24 mjeseca u periodu od 06.04.1992. do 23.12.1995. godine koja su sa istim živjela u zajedničkom kućanstvu ili ga je isti izdržavao najmanje posljednju godinu dana prije smrti, do navršenih 30 godina života.

Poticaj je mogao biti dodijeljen samo jednom kandidatu iz jednog obiteljskog domaćinstva.

Obzirom da je ovaj Program predstavljao novinu u radu Ministarstva izvršen je obilazak svih općina/grada na području kantona, kojom su prilikom zaposlenici Ministarstva prezentirali program pripadnicima braniteljske populacije, kako bi ih informirali o uvjetima i ciljevima programa.

Program je realiziran u saradnji sa općinama/gradom Zeničko-dobojskog kantona na način da su općine/grad raspisale Javni poziv za podizanje zasada maline koje će sufinancirati Ministarstvo.

Na temelju Programa općine su formirale komisije koje su utvrdile administrativnu usklađenost podnesenih prijava, obavile terenski uviđaj i procjenu parcele podnositelja zahtjeva, izvršile bodovanje u skladu sa Programom utvrđenim kriterijima i formirale liste kandidata.

Svi kandidati koji su ispunili uvjete propisane Javnim pozivom uvršteni su na konačnu listu i odobrena su im sredstva prema površini parcele.

Razlog odbijanja pojedinih zahtjeva je prevashodno činjenica da su podnositelji bili korisnici mirovine, odnosno nisu priložili dokumentaciju traženu Javnim pozivom.

Na osnovu konačnih lista kandidata koji su ispunili tražene uvjete Ministarstvo je zaključilo tripartitne ugovore između: Ministarstva, općine/grada i korisnika, kojim su regulirane međusobne obveze i prava.

Osnovna obveza Ministarstva je bila osigurati sredstva u iznosu od 2.400,00 KM za parcelu površine dva dunuma, odnosno za veće parcele maksimalni iznos od 3.000,00 KM za svakog odabranog korisnika. Navedena obveza je u cijelosti ispoštovana i korisnicima su uplaćena sredstva na vrijeme za podizanje jesenjeg zasada maline.

Tabela 1. Tabelarni prikaz broja korisnika po općinama i ukupna sredstva

Općina	Populacija				Iznos
	DB	RVI	PPB	Ukupno korisnika	
Breza	4	1	0	5	14.400,00
Doboj Jug	0	0	0	0	0,00
Kakanj	0	0	0	0	0,00
Maglaj	12	0	0	12	34.800,00
Olovo	18	0	0	18	51.000,00
Tešanj	8	0	0	8	19.200,00
Usora	2	0	0	2	6.000,00
Vareš	14	0	0	14	41.400,00
Visoko	17	1	1	19	54.000,00
Zavidovići	8	1	1	10	25.800,00
Zenica	21	1	0	22	64.800,00
Žepče	10	2	0	12	36.000,00
Ukupno:	114	6	2	122	347.400,00

Nakon zaključivanja ugovora, a s ciljem što uspješnije realizacije Programa, Ministarstvo je nastavilo sa aktivnim radnjama:

- U saradnji sa rasadnicima koji se dobavljači certificiranih sadnica (Heko-Bugojno, Frutti-Fungfi-Visoko i Pronatura – Zenica) izvršene su prezentacije korisnicima, kako bi isti mogli dobiti potpune i korisne informacije. Prezentacije su održane na tri lokacije: Visoko, Zenica i Zavidovići po principu „natjecanja“ u smislu da su predstavnici rasadnika prezentirali šta nude i pod kojim uvjetima, a korisnici si imali potpunu dispoziciju da samostalno odaberu od koga će nabaviti sadni materijal, na koji način je u potpunosti ostvaren princip transparentnosti.
- Izrada Priručnika „Tehnologija uzgoja dvogodišnjeg tipa maline“ u saradnji sa Msc. Dinko Bećirspahić i Msc. Senad Joldić, koji je podijeljen korisnicima s ciljem njihovog obrazovanja i sticanja korisnih znanja za uzgoj maline.
- Terenski obilazak kandidata, s namjerom da se na licu mjesta utvrdi činjenično stanje i obavi razgovor s korisnicima u cilju dobijanja informacija od strane korisnika o problemima, potrebnim mjerama i ukupnim zadovoljstvom.
- Kontinuirana podrška korisnicima u prevlađivanju teškoća i dodatna finansijska pomoć.

ZAKLJUČAK

Iz tabelarnog prikaza je vidljivo da je Program realiziran praktično na području cijelog kantona i da je ukupan iznos realiziranih sredstava 347.400,00 KM.

Gore navedeno kao i činjenica da najveći broj korisnika pripada kategoriji nezaposlenih demobilizirani branitelja (cca 90%), predstavlja potvrdu da je Program naišao na dobar odaziv kod branitelja, te se može opravdano zaključiti da je uspješno realiziran, posebno kada se uzme u obzir da Ministarstvo do sada nije imalo programe ovog tipa i da predstavlja pozitivnu novinu u radu Ministarstva.

U tom smislu smatramo da je potrebno i u budućnosti nastaviti sa još jačim angažmanom na aktivnostima zapošljavanja i samozapošljavanja imajući u vidu višestruke koristi: rješavanje pitanje egzistencije i zapošljavanja kao gorućeg problema danas, razvoj osjećaja korisnosti i zadovoljstva kod branitelja, kroz ostvarivanje vlastitih prihoda smanjiti će se opterećenje na druge transfere ovog Ministarstva.

Prilog:

-foto dokumentacija pojedinih korisnika

MINISTAR
Fahrudin Čolaković